



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-183-3/24**
Datum: **26.07.2024. god**

«Agencija za vodno područje rijeke Save» Sarajevo rješavajući po zahtjevu pravnog lica «KOMGRAD-ZE» d.o.o. Zenica za donošenje Rješenja o vodnoj dozvoli za ispuštanje tehnoloških otpadnih voda u prirodni recipijent i za aktivnosti koje mogu imati specifične uticaje na vode prilikom izvođenja radova na eksploataciji i preradi mineralne sirovine-krečnjaka na lokalitetu «Crkvice-Kamenolom», Grad Zenica na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22),
donosi

R J E Š E N J E **o vodnoj dozvoli**

1. Daje se vodna dozvola pravnom licu, «KOMGRAD-ZE» d.o.o. Zenica za ispuštanje tehnoloških otpadnih voda u prirodni recipijent i za aktivnosti koje mogu imati specifične uticaje na vode prilikom izvođenja radova na eksploataciji i preradi mineralne sirovine-krečnjaka na lokalitetu «Crkvice-Kamenolom», na dijelu zemljišta označenom kao k.č. broj: 1337 i 1338/1 K.O. Crkvice, Grad Zenica.
2. Ova vodna dozvola se ne odnosi na objekat mobilne betonare kapaciteta 20m³/h instalirane na predmetnom lokalitetu «Crkvice-Kamenolom».
3. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode za tehnološke potrebe i ispuštanje sanitarno fekalnih otpadnih voda iz pratećih objekata i eventualno drugih aktivnosti koje se planiraju izvoditi na predmetnom lokalitetu za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona, u skladu sa članom 139. stav (2) tačka 1. i 2. Zakona o vodama ili općina/grad, ukoliko je kantonalnim propisom prenesena nadležnost na općinu/grad, shodno stavu (3) istog člana Zakona.
4. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na predmetnoj lokaciji i uz sljedeće uslove:
 - 4.1. Da se upotreba i korištenje instalirane opreme i objekata na predmetnom kamenolomu vrši u skladu sa njihovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 4.2. Da se za vrijeme trajanja ove dozvole, obezbijedi da se izgrađeni sistem za prikupljanje i prečišćavanje tehnoloških otpadnih voda, oborinskih voda sa radnog prostora kamenoloma i onečišćenih voda nastalih obaranjem prašine u postupku prerade kamena te ispuštanje prečišćenih otpadnih voda u prirodni recipijent - Babina rijeka kao i instalirana oprema i objekti na lokalitetu «Crkvice-Kamenolom» održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 4.3. Da se za vrijeme trajanja ove dozvole, obezbijedi da se otpadne vode nastale na predmetnom kamenolomu nesmetano sakupljaju i odvođe do objekata predviđenih za tretman otpadnih voda (obodni kanal, taložnici, separator ulja i masti) a zatim ovako tretirane vode ispuštaju, preko okna za monitoring, u Babinu rijeku.
 - 4.4. Prečišćene otpadne vode koje nastaju na predmetnom eksploatacionom polju, prije ispuštanja u recipijent - Babina rijeka, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 4.5. Objekte koji se koriste u svrhu prikupljanja, odvodnje i tretmana tehnoloških i oborinskih onečišćenih otpadnih voda nastalih u krugu eksploatacionog prostora (kanalizaciona mreža, slivne rešetke, taložnici, obodni kanal, separator ulja i masti...) potrebno je održavati i koristiti na takav način koji će obezbijedi njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.

- 4.6. Čišćenje i održavanje separatora ulja i masti, taložnika i obodnog kanala te skladištenje i konačno zbrinjavanje otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu mulja/taloga iz postrojenja za tretman otpadnih voda kao i preuzimanje drugog otpada.
- 4.7. Sadržaj (mulj) iz separatora ulja i masti i taložnika se ne smije ni privremeno odlagati na česticu «vodno dobro», odnosno u vodotoke i na njegove obale.
- 4.8. Da se u skladu sa propisima iz oblasti zaštite okoliša, vrši bezbjedno i redovno skupljanje čvrstog opasnog i neopasnog otpada sa kompletnog kruga kamenoloma, isti propisno skladišti do njegovog konačnog zbrinjavanja od strane ovlaštene organizacije.
- 4.9. Da se obezbijedi siguran način skladištenja ulja, maziva i eksploziva u natkrivenoj namjenski izgrađenoj prostoriji sa podnom pločom izvedenom od vodonepropusnog betona otpornog na dejstva hemikalija.
- 4.10. Da se sa opasnim i štetnim materijama (eksplozivna sredstva i sl.) postupa savjesno pri skladištenju, transportu i pretovaru kako ne bi došlo do štetnih posljedica po tlo i vode.
- 4.11. Vlasnik odnosno korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izvjestaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 4.12. Vlasnik odnosno korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
5. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
6. U periodu važenja ove dozvole, Korisnik je dužan provoditi sve mjere i aktivnosti propisane istom.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na lokalitetu predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
9. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
10. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
11. U ovoj upravnoj stvari plaćene su sve upravne pristojbe.
12. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
13. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
14. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica, «KOMGRAD-ZE» d.o.o. Zenica dana 09.03.2024. godine podnesen je ovoj Agenciji zahtjev za izdavanje vodne dozvole za ispuštanje tehnoloških otpadnih voda u prirodni recipijent i za aktivnosti koje mogu imati specifične uticaje na vode prilikom izvođenja radova na eksploataciji i preradi mineralne sirovine-krečnjaka na lokalitetu «Crkvice-Kamenolom», na zemljištu označenom kao k.č. broj: 1337 i 1338/1 K.O. Crkvice, grad Zenica.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-24-000262 izdatog dana 30.01.2024. godine od strane Općinskog suda u Zenici,
- Ovjerena kopija Uvjerenja o registraciji poreznog obveznika izdatog dana 04.06.2018. godine od strane Porezne uprave – Kantonalni ured Zenica,
- Kopija Ugovora o koncesiji broj: 04-18-15802-1/14 zaključenog dana 17.12.2014. godine između Ministarstva za privredu/gospodarstvo Zeničko-dobojskog kantona i «KOMGRAD-ZE» d.o.o. Zenica,
- Kopija Anexa I Ugovora o koncesiji broj: 04-18-15802-1-8/18 zaključenog dana 14.11.2018. godine između Ministarstva za privredu/gospodarstvo Zeničko-dobojskog kantona i «KOMGRAD-ZE» d.o.o. Zenica,
- Kopija Anexa II Ugovora o koncesiji broj: 04-18-1194-1/19 zaključenog dana 18.02.2019. godine između Ministarstva za privredu/gospodarstvo Zeničko-dobojskog kantona i «KOMGRAD-ZE» d.o.o. Zenica,
- Kopija Rješenja o vodnoj dozvoli broj: UP-I/25-3-40-011-5/19 izdatog dana 23.07.2019. godine od strane «Agencije za vodno područje rijeke Save» Sarajevo,
- Kopija Rješenja broj: UP-I 05/2-02-19-5-209/21 SN izdatog od strane Federalnog ministarstva okoliša i turizma Sarajevo (nije potrebno dalje provođenje procjene uticaja na okoliš putem izrade studije utoacaja na okoliš),
- Glavni projekat - vanjske hidroinstalacije za ležište krečnjaka «Kamenolom Crkvice» grad Zenica urađen od strane «IBIS» d.o.o. Zavidovići (broj: 12-IB-G/16, feb 2016.), na uvid,
- Glavni rudarski projekt površinskog kopa krečnjaka «Kamenolom Crkvice» grad Zenica urađen od strane Mašinskog fakulteta Univerzitet Zenica (TP-01/16, april 2016. godine), na uvid,
- Kopija Ugovora broj: 890/24-DS o čišćenju separatora, septičkih jama mi odvozu otpadnog mulja i taloga zaključenog dana 28.06.2024. godine sa «DELTA PETROL» d.o.o. Kakanj,
- Kopije Izvještaja o monitoringu kvaliteta i kvantiteta otpadnih voda broj: 624/24 urađen u martu 2024. godine od strane «Inspekt-RGH» d.o.o. Sarajevo,
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog lokaliteta «Crkvice-Kamenolom», grad Zenica i tom prilikom je sačinjen Zapisnik o uviđaju broj: UP-1/21-3-40-183-2/24 od 01.07.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Istražno-eksploatacioni prostor «Crkvice-Kamenolom», grad Zenica definisan je koordinatama prelomnih tačaka:

Tačka	Koordinate istražno-eksploatacionog prostora	
	Y	X
1	6 495 454	4 896 720
2	6 495 408	4 896 847
A	6 495 515	4 896 850
B	6 495 649	4 896 951
C	6 495 803	4 896 880
D	6 495 833	4 896 678
1	6 495 454	4 896 720

Za eksploataciju kamena krečnjaka na predmetnom kamenolomu zaključen je Ugovor o koncesiji (decembar 2014. godine), Anex i Ugovora (novembar 2018. godine) a potom i Anex II Ugovora (februar 2019. godine) sa Ministarstvom za privredu/gospodarstvo Zeničko-dobojskog kantona na period od 20 godina. Eksploatacija stijenske mase krečnjaka vrši se transportnim sistemom površinske eksploatacije. Eksploatacioni prostor na parceli označenoj kao k.č. broj: 1337 i 1338/1 K.O. Crkvice nalazi se na desnoj obali Babine rijeke. Pristup parceli je obezbijeđen direktno sa saobraćajnice Zenica-Babino (lijeva obala Babine rijeke) a od samog centra grada kamenolom je udaljen oko 3km.

U sklopu kompleksa, za obavljanje tehnološke operacije prerade mineralnog resursa-krečnjaka, instalirano je mobilno postrojenje kapaciteta oko 100m³/h koje čine: postrojenje za primarno usitnjavanje sa čeljusnom drobilicom, postrojenje za usitnjavanje i postrojenje za klasiranje odnosno proizvodnju gotovih kamenih agregata. Osim postrojenja na kompleksu je postavljen kontejner za smještaj i boravak radnika, priručna radionica sa pralištem, kanalom i magacinskim prostorom, kolska vaga, taložnici, separator ulja i masti, septička jama.

Na predmetnom lokalitetu instalirana je i mobilna betonara kapaciteta 20m³/h koja nije predmetom iove vodne dozvole.

U istočnom dijelu eksploatacionog prostora protiče bezimeni potok povremenog karaktera. Snabdijevanje pitkom vodom za potrebe uposlenih se obezbjeđuje nabavkom flaširane vode a tehnološkom vodom zahvatom na bezimenom potoku.

Za predmetni pogon je u ranijem postupku, dana 23.07.2019. godine, od strane ove Agencije doneseno Rješenje o vodnoj dozvoli broj: UP-I/25-3-40-011.5/19 sa uslovom datim tačkom 4.2. koji je u potpunosti ispoštovan tj. realizovani su radovi predviđeni projektnom dokumentacijom urađenom od strane «IBIS» d.o.o. Zavidovići, februar 2016. godine.

Za prikupljanje, odvodnju i tretman tehnoloških otpadnih voda koje mogu biti onečišćene suspendovanim materijama, uljem i naftnim derivatima a nastaju na betonskom platou za pranje i podmazivanje rudarsko-građevinske opreme i mehanizacije, izgrađen je sistem kanala sa slivnim rešetkama putem kojih se prikupljene otpadne vode odvođe u betonski taložnik 1, a potom u tipski separator masti i ulja sa koalescentnim filterom.

Oborinske vode sa radne zone kamenoloma se zajedno sa onečišćenim vodama nastalim obaranjem prašine prikupljaju betonskim obodnim kanalom sa odvodom u taložnik 2. Prečišćene vode iz ovog taložnika se zajedno sa prečišćenim vodama iz separatora ulja i masti, preko okna za monitoring, ispuštaju u Babinu rijeku. Sa firmom «DELTA PETROL» d.o.o. Kakanj potpisan je ugovor o čišćenju taložnika i separatora ulja i masti (priložen radni nalog od 12.12.2023. godine).

Monitoring otpadnih voda se vrši redovno. Na uvid predložen izvještaj o ispitivanju kvaliteta otpadnih voda za mart 2024. godine (mjerno mjesto – neposredno prije ispusta u Babinu rijeku) urađen od strane «Inspekt RGH» d.o.o. Sarajevo. Prema podacima iz dostavljenog Izvještaja utvrđeno je da ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Tačka 5. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 4. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačke s) i cc) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva «KOMGRAD-ZE» d.o.o. Zenica, ispunio minimum uslova za izdavanje vodne dozvole za ispuštanje tehnoloških otpadnih voda u prirodni recipijent i za aktivnosti koje mogu imati specifične uticaje na vode prilikom izvođenja radova na eksploataciji i preradi mineralne sirovine-krečnjaka na lokalitetu «Crkvice-Kamenolom», grad Zenica, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog pogona utvrđene su obaveze u tački 7. dispozitiva ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju
Rukovodilac Sektora za izdavanje vodnih akata

Nihad Pezo, dipl.ing.građ.



Dostaviti:

- «KOMGRAD-ZE» d.o.o. Zenica
ul Bistua Nuova do broja 17, 72000 Zenica
- AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava